



Inatsisartunut ilaasortaq Isak Davidsen
Siumut

Inatsisartunut ilaasortamut Isak Davidsenimut allakkatigut akissut

Inatsisartut suleriaasianni § 36, imm. 1 naapertorlugu Silaannaap pissusaanik ilisimatusarnermi qitiusumut siunnersuutaasoq pillugu Naalakkersuisunut 4. marts 2008-mi ima apeqquteqarputit:

Silaannaap pissusaanik ilisimatusarnermi qitiusumik misissuiffiliorniarnep Kalaallit Nunaannut iluaqutaanissaa eqqarsaatigalugu qanoq pilersaaruteta-qartoqarpa ? Silaannaap pissusaanik ilisimatusarnermi qitiusoq pillugu ilinniakkatigut suut piumasaaqataappat, kalaallinut ilinniagaqartunut iluaqutaasinnaanera eqqarsaatigalugu ?

Inuutissarsiutitigut siuarsaanissami Silaannaap pissusaanik ilisimatusarnermi qitiusumut suut piumasaaqataappat, Kalaallit Nunaanni inuutissarsiutitigut iluaqutaasinnaanissaa eqqarsaatigalugu?

Aallarniutigalugu erseqqissaatigissavara Silaannaap pissusaanik ilisimatusarnermi qitiusumik pilersitsinissamut periarfissanik misissuineq ilisimatusarnermut ministerip Helge Sanderip aamma ilisimatusarnermut naalakkersuisup Tommy Marøp ataatsimiinnerisa kingunerimmassuk. Kalaallit/danskit ataatsimut suleqatigiissitaannik pilersitsisoqarpoq Nunatsinni silap kiassusianik misissuiffik pillugu nalunaarusiamik tunniusseqqammersunik. Helge Sanderip aamma Tommy Marøp 10. april 2008-mi ataatsimiinnissartik isumaqatigiissutigaat, tassani nalunaarusiami kaammattuutiginetartut eqqartorneqassallutik.

Assigiinngitsutigut ilisimatusarfilliornissaq silaannaap allangornerata nunatsinni (issittumi) pinngortitamut nunatsinnilu (issittumi) inuiaqatigiinnut sunniutaanik samminniffiusussamik, tassunga ilanngullugu silaannaap allangoriartorneranut naleqqussaanissamut periusissaliornermut aqqiissutiliornermullu atorneqarsinnaasunik pissarsiaqartitsinissaq.

Misissuiffimmi sammisaqarfiit pingaarnertut suliniuteqarfinni sisamani makkunani ilisimatusarnikkut suliassa qarfiusuni piviusunngortinneqassapput:

- Pinngortitaq avatangiisillu
- Inuiaqatigiit inuussutissarsiorterlu
- Teknik sanaartornerlu
- Suliassa qarfiit taakku pingasut sunniivigeqatigiinnerat

Dato: 17. marts 2008
Sags nr.
Dok.nr.

Postboks 1029
3900 Nuuk
Oq/tel +299 34 50 00
Fax +299 32 20 73
Kiip-mail@gh.gl
www.nanoq.gl/kiip

Misissuiffiup Pinngortitalerivimmiinnissaa/Ilimmarfimmiinnissaa isumaavoq, kiisalu Ilimmarfik pillugu suleqatigiinnerup misissuiffimmi sulinermi qitiunissaa siunertavoq, aammali nunatsinni sullissiveqarfiit allat soorlu Asiaq aamma ARTEK ikiuusinnaassapput.

Naalakkersuisut isumaqarput Silaannaap pissusaanik ilisimatusarnermi qitiusoq taassumalu imarisassai, suliniuteqarfiit sisamat taakku ilanngullugit Nunatsinnut iluaqutaassasut.

Qulaani taaneqartutut Silaannaap pissusaanik ilisimatusarnermi qitiusoq siullermik atuartsiviusussaangitsoq pineqarpoq. Naalakkersuisulli isumaqarput misissuiffiup pilersinneqarnera tassani suliniuteqarfinni ilinniartunut kalaaliusunut iluaqutaassasoq, tassami tassani ilisimatusarfiliortoqassammat atuartsinermut ilinniartunullu iluaqutigineqarsinnaasunik, taamatullu aamma ilinniartunik kalaaliusunik suliaqarfinni ilisimatusarnermik ilinniartsineq nukittorsar-neqarsinnaalluni.

Naalakkersuisut isumaqarput pinngortitamut avatangiisinullu, inuiaqatigiinnut inuusutissarsiornermullu, teknikimut sanaartornermullu tunngasuni ilisimasaqalerneq, kiisalu suliaqarfiit taakku pingasut sunniivigeqatigiinnerat nunatsinni inuusutissarsiornermut iluaqutaassasut. Assersuutigalugu imaani avatangiisinik pisuusutinillu uumassusilinnik ilisimatusarneq qitiusumik pingaaruteqartoq, taakku aalisarnermut nunatsinni avammut nioqquteqarnerup 85 %-erisaanut tunngavissii-suummata. Taamatuttaaq geofysiskimik teknologiskimillu ilisimatusarnikkut inuusutissarsiuutigut nutaamik suliniuteqartoqarnissaa periarfissinneqassaaq.

Ikinngutinnersumik inuulluaqqusillunga

Tommy Marø